

江都縣志卷之二十

江都縣知縣

五格 黃湘重修

人物 亮績

孔門列政事之科君子恥無用之學則奮芳烈而顯令聞非其人生平之大者乎考江邑後先之彥其經猷懋著者蓋不乏人而舊乘紛錯於編紀轉以使觀者忽焉今為稽其所建樹而類次之語曰  
匪直也人邦家之輝此之謂夫志亮績

漢召平廣陵人秦二年為陳勝率兵徇廣陵未下聞陳勝敗走秦將章即且至迺渡江矯陳王命拜項梁為楚江都縣志  
卷之二十 亮績  
一  
上柱國曰江東已定急引兵西擊秦梁迺以八千人渡江而西遂滅秦

劉熊字孟陽光武帝曾孫廣陵王孫俞鄉侯平季子守約履勤獻登五經仕為酸棗令既練州部卷舒委蛇賞善礪頑勤恤民隱貪究革清清修勸慕德惠潛流鬯芳旁布吏民愛之若慈母畏之如神明相摭採謠言刊之碑石

袁綏為漢太傅掾時廣陵太守張超起兵討董卓即以綏領廣陵郡事叅議戮力綏子廸與陳國陳融陳留濮陽逸沛郡蔣纂皆就吳丞相陸遜弟瑁游處瑁謂其單

貧有志割少分甘與共豐約廸孫曄字思光作獻帝春  
秋

三國徐宣字實堅曹操辟爲司空掾會西征馬超操謂  
官屬曰今當遠征宜得清公大德以鎮統之乃以宣爲  
左護軍留統諸軍還爲丞相東曹掾操歿或言可易諸  
城守用譙沛人宣厲聲曰今者遠近一統人懷效節何  
必譙沛沮宿衛者心不聞之曰宣所謂社稷之臣也不  
立爲御史中丞賜爵關內侯從不至廣陵六軍乘舟風  
浪暴起丕船回倒宣方病獨凌波而前丕壯之遷尚書  
事獻封津陽亭侯加侍中嘗上疏陳刑威太過又諫作  
江都縣卷

卷之二十一 亮績

二

宮殿窮民力獻皆納之及卒遺令布衣疏巾歛以時服  
追贈車騎將軍謚貞侯

陳本矯之子嗣父爵歷郡守九卿操綱領舉大體能使  
羣下自盡有統御之才不親小事不讀法律而得廷尉  
之稱優於司馬岐等精練文理遷鎮北將軍假節都督  
河北諸軍事薨子粲嗣

張紘字子綱舉茂才公府辟皆不就避難江東孫策表  
爲正議校尉策遣紘奉章至許留爲侍御史孔融等皆  
與親善操聞策卒欲因喪伐吳紘諫以爲乘人之喪非  
古義不如因而厚之操從其言卽表權領會稽太守操

欲令紘輔權內附出爲會稽東部都尉權後以紘爲長史與張昭主計議章表書記紘建計宜都秣陵權從之令還吳迎家道病卒初瑯琊趙炅爲廣陵太守察紘孝廉將舉之炅後爲笮融所害紘在東部時遣主簿至瑯琊設祭並求其親戚爲之後當世義之

晉陳騫字休淵魏司徒矯子起家尚書郎累遷至太尉轉大司馬騫少有度量嘗爲夏侯元所侮意色自若元以此異之歷官所在有績爲士庶所懷旣位極人臣年踰致仕求入朝因乞骸骨詔遣侍中敦諭固請許之位同保傅在三司上賜以几杖不朝安車駟馬以高平公江都縣志

卷之二十 亮績

三

公還第禮之甚重薨年八十一贈太傅謚曰武南齊荀伯玉字弄璋齊高帝鎮淮陰伯玉爲叅軍高帝爲宋明帝所疑徵爲黃門侍郎深懷憂慮而無計得留伯玉教其遣數十騎入魏界安置標榜魏果遣游騎數百履行界上高帝以聞得復本任由是見親待時武帝在東宮專斷用事任左右張景真其伎人皆著御衣又白服乘畫舫坐胡牀觀者咸疑是太子內外祇畏莫敢有言伯玉密啟上收景真殺之愈見親信軍國密事多委使之時人爲之語曰十勅五令不如荀伯玉命唐上官儀字游韶本陝人父宏爲隋江都宮副監因家

焉大業末宏爲將軍陳稜所殺儀幼藏匿獲免因私度爲沙門涉獵經史貞觀初舉進士太宗聞其名召授宏文館直學士遷秘書郎時太宗雅好屬文每遣儀視草預撰晉書轉起居郎高宗嗣位遷秘書少監加銀青光祿大夫西臺侍郎麟德元年上以武后專作威福密召儀議之儀奏皇后專恣海內失望宜廢之以順人心上命草詔左右奔告后后詣上自訴上曰此上官儀教我耳后使許敬宗誣奏儀與宦者王伏勝及故太子忠謀大逆下獄死籍其家子庭芝歷任周王府屬與儀俱被害庭芝有女爲中宗昭容侍草制誥追贈儀楚國公庭芝天水郡公以禮改葬

李鄘字建侯邕從孫建中間登進士第又以書判高等補秘書省正字李懷光辟至幕府累擢監察御史懷光反河中鄘與高郢刺賊虛實及所以攻取者白之朝德宗手詔褒答懷光覺嚴兵召詰鄘詞氣不撓懷光囚之及河中平馬燧破械致禮表佐其府以言不用罷歸洛中召爲吏部員外郎元和後拜淮南節度使王師討蔡鄘以兵二萬分壁鄆境賞餉不仰有司後以吐突承璀薦召拜門下侍郎同中書門下平章事鄘不喜由宦官倖進至京師引疾固辭改戶部尚書俄檢校尚書左僕

射兼太子賓客分司東都以太子少傅致仕卒贈太子太傅謚曰肅

王龜字大年起之子性高簡武宗知其名以左拾遺召不赴崔璵觀察宣歙表爲副龜樂宛陵山水從之咸通中改太常少卿同州刺史牙將白約素暴橫嘗譁言月廩薄以動士心爲亂龜捕殺之人皆震慄徙浙東觀察使卒贈工部尚書子蕘力學有文辭以鐸當國不貢進士終右司員外郎

王式起之子以廕爲太子正字擢賢良方正累遷殿中侍御史大中中爲晉州刺史會河曲大歉民流徙他州

江都縣志

卷之二十 亮績

五

式勞卹之活數千人以善最稱徙安南都護初交趾數有變懼式威不自安譁曰黃頭軍將渡海襲我矣相率夜圍城合譟請都護北歸我當抗黃頭軍

黃頭軍忠武戌卒也式

徐被甲引家僮乘城責讓叛者走翌日盡捕斬之初容管災歉不歲貢式始上輸大犒宴軍中歸質外蕃而占城真臘慕義悉入獻亦還所掠王民甯國劇賊仇甫亂明越觀察使不能討宰相選式往代式發聞賊用騎兵乃閱所部得吐蕃回鶻遷隸數百發龍陂監牧馬起用之集土圍諸兒爲向導擒甫斬之餘姚民徐澤專魚鹽之利慈溪民陳瑛冒名仕至縣令皆豪縱州不能制式

窮治其姦皆榜死咸通三年徐州銀刀軍亂以式檢校工部尚書徙武甯節度使視事三日悉以計誅亂兵終左金吾大將軍

王鐸字昭範式之子會昌初擢進士第累遷御史中丞中和元年拜同平章事二年黃巢陷長安鐸請討賊乃以爲諸道行營都統移檄天下時諸將環賊莫敢先發鐸檄至號令肅然將士皆奮巢勢日蹙宦者田令孜料賊必破欲功出北司乃搆鐸於帝罷爲檢校司徒義成節度使鐸功幾就而以讒見奪然卒因其勢收復京師四年徙義昌節度使過魏州樂從訓利其輜重侍妾伏

江都縣志

卷之二十 亮績

六

兵高雞泊劫殺之以遇盜聞朝廷不能詰天下痛惜焉李磻字景望鄜之孫也大中末登進士累遷戶部郎中分司東都劾奏內園使郝景全不法事黃巢陷洛磻挾尚書入印走河陽時留守劉允章爲賊脅遣人就磻索印拒不與襄王之亂磻流寓淮南高駢受僞命磻苦諫不納入爲翰林學士辭職歸乾甯元年召進禮部尚書同中書門下平章事崔昭緯素疾磻諷劉崇會劾之下遷太子少傅復爲李茂貞等所論又罷爲太子少師上猶注意復用之及王行瑜韓建擁兵關下列磻罪殺之都亭驛行瑜誅詔贈司徒謚曰文磻嗜學家有書至萬

卷世號李書樓所著文章及注解諸書傳甚多

五代嚴可求同州人隨父遷江都少爲吳幕僚吳王歿張顥欲自立厲聲謂諸將曰軍府誰當主者三問莫應可求前密啟曰方今四境多虞非公主之不可然今日則恐太速顥默然可求急趨出書一紙內袖中麾同列往使宅賀衆莫測旣出宣之乃吳王母史太夫人教也大略言隆演當次立諸將宜無負楊氏辭旨激切顥氣色皆沮以其義正不可奪吳王隆演乃得立顥知爲可求所賣夜遣盜刺之可求度不免請爲書辭府主盜執刀臨之可求操筆無懼色盜粗能識字見其辭氣忠壯

曰公長者吾不忍殺遂舍之去南唐時歷遷門下侍郎尚書右僕射同平章事子續字典宗以父廕補千牛備身遷秘書郎南唐主以女妻之官兵部侍郎進尚書及宋齊邱專國公卿多附之惟續持正不爲屈拜中書侍郎兼三司使終鎮海軍節度使謚曰懿初續以少貴倦學因力教羣從子弟砥礪儒業子孫舉進士者累累不絕晚歲尤屈身下士壽春人劉奐性方言直續薦爲監察御史起居舍人時論善之

高郁楚王馬殷爲湖南留後以郁爲謀主署都軍判官初殷畏淮南荆南廣南之強議以金帛結之郁曰莫若

上奉天子下撫士民訓卒厲兵以修霸業於是殷始修  
貢京師開平時郁復勸殷令民得自造茶以通商旅而  
收其算歲入凡萬萬計命民輸稅者用帛代錢機杼遂  
繫於吳越殷地大力完得邀封爵以與諸鎮抗老郁謀  
居多而內外疾郁功者讒郁之短殷子希聲矯令殺郁  
是日大霧四塞殷怪之吏以狀白殷撫膺大慟曰吾老  
耄使勳舊橫罹冤酷吾亦不久於此矣

李貽業吳起居郎李戴子也戴卒官因家廣陵貽業事  
南唐爲翰林學士李主昇殂大臣欲奉宋后臨朝命中  
書侍郎孫忌草遺制貽業曰此姦人所爲也大行嘗謂  
江都縣志

婦人預政亂之本也安肯自爲此若果宣行貽業當對  
百官裂之於是臨朝之議遂寢李主璟語貽業曰疾風  
勁草於卿見之保大中以兵部侍郎卒諡曰簡

李德誠幼從吳武王征討積功至江南馬步軍使與諸  
將圍安仁義於潤州諸將每見仁義臨城皆嫚罵德誠  
獨否及城破仁義操弓矢坐城上衆莫敢近德誠至仁  
義謂之曰汝見我獨不失禮今以爲汝功卽擲弓矢就  
執武王拜德誠潤州刺史歷撫虔洪三鎮節度使平南  
大將軍中書令李主受吳禪以佐命拜太師封趙王自  
洪州入覲命宮人迎勞於路百官班謁於門朝堂設幄



爲具每有大議遣執政就第諮問然爲人謙恭沉厚終始如一卒謚忠懿子二十八人皆右職而建勳爲相建封爲將無阿黨死國事君子善之

李建勳字致堯德誠第四子少好學能屬文尤工詩家世將相然杜門不預世事所與交皆寒峻裘馬取具而已李主昇鎮金陵預禪代之策拜中書侍郎同平章事璟嗣立以開國元勳又聯姻戚尊遇之與宋齊坵埒出爲撫州節度使建州之役諸將無復紀律建勳請官出金帛贖俘掠還其家召拜司空以司徒致仕賜號鍾山公營別墅於山中放意泉石曰吾自知不壽欲求數年

江都縣志

卷之二十

亮績

九

閑適耳疾革遺令勿封樹立碑遺他日毀斷之旣贈太保謚曰靖

何敬洙軀貌短陋而趨捷有力李主昇以爲金陵裨將累遷天威軍都虞侯破西巖延平下建州除楚州刺史嘗從數人親出里巷察人疾苦吏之苛刻無不知之每坐廳事與賓客譚宴良有白事者隨其所言親加剖析無不厭服及移鎮鄂州周師入淮南詔移郭外居人入城爲備敬洙不從乃背城除地爲戰場曰職當効死於此安能閉門自困也後以勳舊拜上將軍奉以上公之秩卒年七十七

馮令頽事本郡爲軍吏署歙州鹽鐵院判官裨將樊思  
蘊作亂燒營火及令頽第叛卒皆釋兵救火其得人心  
如此子二延已延魯

宋孫長卿字次公爲校書郎天禧中通判河南府秋大  
雨軍營壞其衆將叛長卿馳諭推最惡一人誅之衆遂  
定詔汰三陵奉先卒汰者羣謀長卿矯制使還而具言  
不可汰之故朝廷爲止知和州民訴人殺其弟長卿察  
所言無理曰汝殺弟也鞠之服郡人神明之爲江浙荆  
淮發運使歲漕米至八百萬或疑其多長卿曰吾以備  
歲饑爾議者謂楚水多風波請開盱眙河自淮趣高郵

江都縣志

卷之二十

亮績

十

長卿言役大難就事下都水調工數百萬卒以不可成  
罷之改陝西都轉運使踰年知慶州州無水長卿爲鑿  
百井泥陽有羅川馬嶺長卿訪得唐故道闢爲通塗熙  
寧元年知定州河北地大震城郭倉庾皆隕長卿盡力  
繕補神宗知其能轉兵部侍郎留再任明年卒長卿長  
於政事性廉潔不以一毫取諸人定州當得園利八十  
萬悉歸之公旣歿詔中使護其喪歸葬

楊處厚字純甫以父闕恩補齋郎加校書郎不受召爲  
婺州浦江尉均平徭役邑人悅服爲永康錄事叅軍地  
控威茂同官皆武人處厚善於協恭兵民之政無不關

預守賴以治卒於官

王幾字彥成知舒城未赴丁父憂王安石知其才選宰長洲縣縣號難治幾弛張以時豪強懾服歲饑廣爲賑救民無轉徙權勢者欲侵撓之執法不回治聲聞京師仕至大理寺丞

張康國字賓老登元豐進士第知雍邱縣紹聖中提舉兩浙常平豪猾望風敦服發倉救江南就食者活數萬口徙福建轉運判官入爲吏部左司員外郎爲中書舍人徽宗知其工詞章不試而命遷翰林學士知制誥進承旨拜尚書左丞尋知樞密院事帝惡蔡京專復令康

江都縣志

卷之二十一 亮續

七

國陰阻其奸是時西北邊帥多取部內官自辟置康國曰塞吏當擇人奈何欲私所厚善乎乃隨闕選用著爲令上嘗欲擢用張邦昌康國對曰邦昌貌復而心狠不可任金人數侵中國邦昌請修子姪禮康國力拒之卒贈開府儀同三司謚文簡

莊徽字彥猷政和初除兩浙運副二年召還歷徽猷閣待制知平江府時朱勔被寵中貴緣勔而使者冠蓋相望官吏無不傾心事之徽獨不假借朝廷命官造乘輿服御於浙西特令徽與勔協理尋詔罷勔尚遷延觀望徽曰此天子盛德事大臣亟宜承奉何顧其他卽自罷

之在官六年乞閒不允久之提舉洞霄宮卒

李正民登政和二年進士第中詞學兼茂科累遷禮部郎官建炎二年除校書郎累遷中書舍人俄出爲兩浙江西湖南撫諭使正民請依法具奏官吏能否其民間事于州縣實負冤抑者並聽陳訴卽爲伸理從之以奉使稱職除給事中吏部侍郎正民辭不拜上特賜詔使就職紹興十三年正民奏宣和以前通令佐並帶主管學事軍國以來學校之教中輟今宜依舊給銜以示聖朝偃武修文之意爲江西路提典刑獄仕至左朝散大夫充徽猷閣待制平原縣開國伯卒

李直養字無害正民之孫也紹熙元年以薦攝華亭令是年夏久旱直養精禱遂獲大雨三日畝澮沾足秋旱再禱又應歲用大稔二年丞平湖以當路薦遂命爲令邑境沿海多有溺屍乘潮以上暴露沙際直養置塚塋瘞之未踰年凡瘞百五十餘人又知海鹽縣修建學校作小學定爲章程擇教諭朱沆爲之師由是里巷絃誦洋洋盈耳風俗丕變民爲立去思碑

史正志字志道紹興二十一年進士授歙縣尉秩滿詣闕上保治要畧八篇丞相陳康伯薦於朝除樞密院編修乞築和州城及舒揚防守荆襄事宜高宗視師江上

命扈從至鎮江又上恢復要覽五篇且指張浚之失至建康言三國六朝形勢與今日不同要當無事則都錢塘有事則幸建康以爲東西都詔下侍從臺諫集議從之尋除司農寺丞孝宗卽位除度支員外郎後因論左帑南庫西庫窠名差忤時相謫永州尋復原官除右文殿修撰知靜江府未赴而罷賜爵文安縣開國男轉朝議大夫後歸老姑蘇號吳門老圃所著有建康志十卷菊譜一卷

元曲出爲邵武達魯花赤儉朴寬仁清心寡欲爲政不擾僚屬化之汀寇犯境賴出保捍郡以無事

江都縣志

卷之二十一 亮績

三

明金琇成化丁酉舉人正德初知保康縣廉介正直吏民不敢欺時歲祲兵擾民將竄去乃推誠撫安之民始樂業尤加意學校待士以禮文風漸興去官後民祠祀之

盧瀚字文淵宏治癸丑進士授兗州府推官政操敏肅洗冤澤物他郡獄多待決累斷大獄有異政郡人祠祀焉行取爲南道御史首論周經許進當從衆薦速乞召用文森等因論事下獄宜爲寬宥其邪妄如陳瑤李溫俱可斥免雜進如孫伯謙等亦乞罷遣又因災異力請開納讜言以祛敝政及清冗食用省京儲凡所論列並

切大體遷知岳州府以疾乞歸吏部覆勘瀚公勤清愷愷悌慈祥題准令其回籍養病俟痊日起用尋卒

高滂字穎之尚書銓子也宏治乙丑進士正德初劉瑾羅織大臣誣逮銓下詔獄滂伏闕請以身代疏詞迫切事得雪宸濠謀逆陰賂璫請添設護衛滂抗疏陳祖宗法無增設藩王護衛例不可許且發其不軌事事遂寢後宸濠反人服其先識焉時大臣出治張秋決河又討江西流賊久無功滂并疏治河討賊之畧仕至南京光祿寺少卿

王儼字士望宏治乙丑進士知光澤縣以廉謹稱擢南

江都縣志

卷之二十

亮績

古

京刑部主事人不可干以私有權要子殺人論之如法陞郎中執操愈嚴出守岳州以直道不容歸鄉人重之陳達字兼善揚州衛人授威遠令銓部舉天下廉吏七人達居其一後以病歸民立去思碑頌之

陳言字汝行正德丁卯領鄉薦授棗強令治稱廉明有權璫欲造橋衡水令棗強助費巨萬言執不可罷其役邑旱徒跣以禱俄雷雨大作邑以大稔考滿遷處州通判棗強士民遮道泣留建祠以祀

俞敦字崇禮正德辛未進士改庶吉士授刑科給事中敦在諫垣首劾遼蜀撫臣及諸藩守臣不職者時江彬

潛圖不軌朝臣無敢言敦獨疏陳其逆狀不報戊寅命  
勘河南總兵張璽等不法事敦執法按罪踰月獄成衆  
咸服焉一時權倖如錢甯輩憚敦名求與納交皆峻拒  
之遷禮科右給事中世宗卽位敦首疏四事一日去壅  
蔽二曰親儒臣三曰正紀綱四曰惜名器後奉詔使安  
南賜麒麟服進都給事中出知廣西梧州府病卒

徐晉字文明正德辛未進士歷任南京兵部車駕郎中  
大璫劉瑯怙勢晉繩之以法宸濠叛南都震恐大司馬  
喬宇謂晉曰吾視僚屬惟君才可任宜努力悉以軍事  
委之晉選將調士修備器械增置船艘晝夜不怠及上  
駐蹕南都供億旁午晉從容取辦有言宜賂江彬者不  
聽人爲晉危而卒無患陞青州知府以勞致疾易簣時  
同官憫其貧請納公銀若干晉曰吾恨不能如前輩馬  
伯瞻清風高節敢至死易其守乎拒不受

樓觀字國光正德丁丑進士授刑部主事陞員外郎中  
出守興化政尚寬惠吏無敢爲奸仙遊苦海寇爲擾觀  
鑿石築城民賴以安每行縣自庀厨傳不擾下邑陞湖  
廣副使致仕橐中惟載圖書數卷而已觀之先出嗣葉  
氏至子懋中嘉靖壬戌成進士官刑部主事始疏復樓  
姓

李應暘字子新以歲薦授臨邑訓導遷龍游再轉懷慶教授時興國吳國倫爲叅藩特器重之陞南雄推官分權梅嶺橋滄泲兩稅歲課巨萬不私一錢兩臺及郡守共歎羨焉三載以疾乞致仕年七十八卒

方岑字高伯嘉靖丙戌進士授大理寺評事陞南京左寺正踰年出知杭州府先是海甯令某於巡按御史爲肺腑親引用巨猾六七人恣營奸利聞民怨乃逮六七人者下獄夜使人殺之以滅口事發憲臣下岑按驗得實庭笞逐之岑亦竟爲御史陰中罷免岑爲文宏博出入左氏韓非劉向諸家詩宗初唐而風骨不衰然好用江都縣志

卷之二十

亮績

六

古文奇字人多不辨亦其癖也平生撰著極博草多散逸止存竹素齋集

徐子麟字瑞卿其先自甘州徙江都子麟以太學高等補貴州都司經歷未幾移雲南都司經歷委理五井鹽課爲前官補負課千餘緡前官卒又倒橐助其喪還陞澂江通判晉烏撒同知會苗兵亂諭以大義諸苗帖服無何被讒論罷子麟欣然曰麟待罪邊徼二十年今得生還幸矣歸築一草閣與諸舊好以琴書爲娛後竟以貧死

何城字叔防隨父自榆林移家江都嘉靖壬午中陝西



鄉試壬辰成進士改庶吉士授刑部主事時外戚張鶴齡等爲世廟所惡下吏坐重罪城憫之寬其獄禁以是謫安州同知安居衛河下流歲苦澇田禾不登城白當道築隄防之是後數有年因號曰何公隄移徽州同知擢工部郎中方士陶仲文被幸其徒多不法城劾之皆遠戍出知武昌府楚世子英耀與所幸甘玉海謀逆城飛書白巡按御史先禽玉海杖殺之散其護衛世子竟抵法并戮其黨陞山西按察副使分巡冀南道投劾歸江都會倭寇作亂城創議築外城時多迂之未幾倭犯揚州城外蕩然煨燼於是始議興築甫畢倭再至不得入引去民以安堵皆城力也城與弟堅少從鄉人呂柟學共砥礪至白首焉

曹守貞字子一嘉靖戊戌進士知遂昌縣邑苦採礦役守貞條上其害遂得罷庚子入覲同官傾之左遷晉州判官攝趙州移知曲周縣皆有惠政陞工部營繕司主事權荊州關稅時遼庶人恣暴於荊守貞不爲撓遷員外郎陞尚寶寺丞典司者爲嚴世蕃與議多不合謫山東轉運判官移饒州府同知久之擢南京戶部郎中有頃京營訛言部議欲裁粟布軍士大闕尚書患之問守貞守貞移牒諸將士擇時日覈軍實稽詐冒給糧布諸

軍士相顧愕曰何傳之謬耶事遂寢出爲平樂知府錄囚多從末減尋乞休歸閉戶讀書不預外事所著有畸侔軒藁

崔繩字溇甫嘉靖癸卯舉於鄉授清苑教諭陞靈壽知縣邑小而民狡悍令多不滿任或調或罷去繩凡再考最民甚德之擢倅萊州乞歸故廬庫陋茹蔬飯糲儵然竟日卒年八十七尚書劉先濟志其墓

楊守誠字惟一嘉靖丙午舉於鄉授南樂知縣遷河間府判再遷益府審理所至有能聲致仕歸里與副使何城力請於太守吳桂芳築揚州新城併瓜洲城以禦倭江都縣志

卷之二十

亮績

六

寇所著有防秋紀行稿屯鹽總議諸書

馬豸字伯直其先自大同遷江都中嘉靖壬子舉人授薊州知州州廵輦下賦役繁重豸拊循百姓多善政遷鎮江同知署丹陽篆丹陽故有馬嘶港漑田數百頃久淤填民廬其上旱澇爲沴百姓數請爲築黠者所梗豸力疏之三月工成民大稱便累遷河南按察使僉事嘗相視徐邳河知其勢必南徙條上防濬事宜未竟而卒時共惜焉

張肖孫祖鎧嘉靖間江淮饑輸粟千石助賑詔旌以官肖孫萬曆丙子舉於鄉初令上猶再宰南平俱疲邑難

治而化其刁悍以循良稱官至長沙郡守

章潤字實甫萬厯丁丑進士授浙江安吉知州州故确瘠民悍難治潤廉敏通達因俗而導民以帖服陞刑部員外郎著律例贅言若干卷陞江西瑞州知府會歲饑盜起潤禽捕其渠餘悉逃竄境內以安陞四川按察副使備兵松潘甫至幕下騎士謀作亂潤廉得其主名陰授方略禽斬之陞廣東右叅政卒於官

朱希禹字砥中萬厯間以貢入太學授新昌令民桀驁難治希禹不事鞭笞一以至誠化民踰年民大悅服以勞瘁致疾不起卒之日邑人罷市比喪歸擁輻送者幾萬人

江都縣志

卷之二十

亮績

九

馬一駿字強吾以選貢授安縣令初至以前宰鬪茸吏侵庫帑逾萬株連追取邑無完家一駿惻然憫之會臺司察其能委運松潘例有羨費駿曰是可藉手矣盟諸神以羨金補庫三年而侵帑報完株連悉免以卓異薦陞河曲知州安人祀之名宦

朱家民字天民江都人以祖戍滇南遂家曲靖萬厯丙午舉雲南鄉試初知涪州舉卓異轉潮州再移真定舉邊才擢貴陽守值安酋叛攻圍省會餉道俱絕家民羅雀捕鼠以死自誓乞援募兵卒解黔圍丁外艱奪情陞

副使轉按察使讞獄多從末減囹圄皆空尋進貴州左布政節省帑銀六萬兩憫滇黔道險風濤飄溺製飛組鎔鐵橋以通往來四省道里遼闊洞獠劫掠行旅家民築連雲等十一城修山路千餘里崇禎庚辰入覲召對賜金帛叙平黔功推宣大巡撫以年老乞休子潮遠字卓月以世方多故投筆從戎仕至漳州都督屹然有長城之望解組歸嗜學不倦汲引後進不餘力著有四本堂座右編四十卷

車從軾字五車以明經授太平府訓導郡值兵變御史毛九華委從軾守陴禦敵動中機要兵燹之後修文廟江都縣志

卷之二十

亮績

三

樂器及補輯尊經閣藏書課士從軾皆預有力焉俞都美字士中由廩例入太學授安州州同州瘠而多水都美爲治隄梁歲饑捐俸以賑攝定興縣篆嚴絕苞苴苴時客氏子弟狂橫里中以幣交都美毀刺笞其使聞者危之隨乞休歸草衣蔬食不干俗事惟雪髯飄然往來里巷間清介逼人時人稱其居官不媿長孺林下宛似淵明年六十七而卒

姚思孝字永言崇禎戊辰成進士改庶吉士授兵科給事中卽首陳保固民心一疏言甚剴切又疏糾輔臣奪情罷歸後起太僕寺卿尋晉大理寺卿丁父艱返里思

孝在諫垣前後上八十餘疏皆昌言讜論時望歸焉  
閻汝梅字和陽布政使士選子也崇禎辛未成進士卽  
署門自戒不預外事授陽穀令居官清慎擢刑部主事  
初汝梅舉於鄉時知府劉鐸以詩觸魏闖被逮人莫敢  
往汝梅獨省焉鐸貧爲緹騎所窘歸質百餘金以贈又  
勸紳士爲助有願輸金不書名者汝梅哂曰有不測我  
獨任之奚慮焉其忠直天性然也

徐葆初字元赤崇禎甲戌進上例授部主事以親老乞  
改南工部時流寇燬鳳陽陵寢尅期復建估費四十餘  
萬金工部尚書劉定國疏薦葆初督工役未三載竣工  
止費二十餘萬金朝廷嘉其廉幹擢本部郎中

江都縣志

卷之二十 亮績

三

鄭元勳字超宗先歙人家江都崇禎癸未進士性倜儻  
抱偉略好策天下事巡按總督交薦之以母老不赴甲  
申聞變出家資募勇俠貽書當道固江南宜守江北守  
江北宜拒黃河議格不行時各藩鎮挾兵游掠高傑尤  
剽悍難制會當分藩傑欲得揚州民扃關不納傑怒將  
攻之人情洶洶莫知所措元勳曰傑非叛也且梟猛不  
可敵當開以大義白巡撫黃家瑞卽單騎入傑營說之  
傑心折曰前事特別將楊成爲之耳已出令退舍且誅  
楊成而揚民則誤以爲誅楊成者乃誅戮揚城也巡撫

等方會議南城樓元勳至下馬入座爲言城外事由楊成語未畢衆譁焉遽升樓攢刃害之督師史可法白其寃請卹斬倡亂者三人頭以祭三日後有兵部職方之命而元勳已及於難年僅四十有二所著有文娛集若干卷

國朝李宗孔字書雲父濂性孝友爲諸生有文名宗孔登順治丁亥進士由部郎授御史改給事中晉吏科都給事中疏前後四十餘上皆關吏治民生每同九卿奏事侃侃直言不阿不附後請假歸康熙三十八年

聖祖南巡晉秩大理寺少卿

江都縣志

卷之二十 亮績

三

御書香山洛社額以寵異之子錦鑰孫夢昂同聲皆先後登科第

孫自成字物皆順治丁亥進士知福建歸化縣時閩廣初平旁邑多爲賊壘自成蒞任甫數月招徠七十餘寨民得以休息事耕桑焉歸里遇邑中利弊秉公直言所著賦役管窺一帙條分縷晰尤爲切要至今言江都田賦者必採擇之

蕭維城字振伯灼如子也初授化州牧州濱海環山猺人時出剽劫前守多被害維城下車初猺復叛單車往諭之開示威德遂皆畏請內附陞廣州知府廣俗多

棄屍不葬維城爲置義阡瘞轉廣人德焉且感其化無忍暴露者晉布政司叅議以老告歸

卞穎順治戊子舉於鄉授諸城令地瘠民貧設方略以撫字之不急於催科民有逋錢不能輸官者穎代輸之民力始得寬就耕種凋敝漸起服官五載歸唯琴書劍珮而已

盛治字允康戊子省試第二人已丑進士初授通城令亂後多流亡治善招徠民負耒而返卓異陞工部主事督理通惠河河大決官堤前司河者弗克底績運道胥梗治審高下相順逆築之踰年工成晉河南兵備副使江都縣志

卷之二十 亮績

三

政績甚著以疾歸里卷軸自娛泊如也王國瑋由順治己丑進士筮仕汧陽令邑素疲而衝值凶荒後民皆烏獸散瑋招徠安集之勸農桑寬徭役陳地方內丁糧驛遞協站車輛鹽課牧樵等八害請臺省革除民永受其賜

郭礎字石公順治壬辰進士授戶部主事監臨清倉權蕪湖稅俱有聲出知順德府府東北有古大陸歲漲爲田廬害礎至先挑牛尾河三百餘丈漸濬大郝黃楊諸口自是夏無橫溢其水可灌田數萬頃邢臺南和各邑皆賴之又修學宮備祭器時與諸生課文藝焉

郭士璟字眉樞其先涇陽人遷江都世以儒顯士璟初不屑屑事舉業以五經三傳二禮三史及莊列淮南越絕書爲日課年二十始爲應舉文唾咳則皆珠玉也順治乙未成進士授常州府教授常士以逋賦株連被黜者甚夥士璟覈其實力爭之爲免數百人擢助教太學稱得師遷工部主事權九江關稅剔除陋弊商旅頌溢於塗差竣乞歸杜門却掃唯與故友論文賦詩以老

聖祖

南巡時書泉石怡情額賜之生平孝友敦篤以餘俸給兄弟及族之貧乏者晚歲舉鄉飲大賓子元鈺別有傳金懷玉字式如順治戊戌進士授福建泉州府推官時江都縣志

卷之二十

亮績

十四

海氛未靖沿海州邑數十里外築墻爲界有踰墻出者以通海論懷玉至錄釋繫獄千餘人白上官曰此不過小民資漁利爲活者保無他也後數年弛禁人咸服其得政體遷瑞州府同知其居鄉文爲士則行可表民人尤愛重之

劉梁嵩字玉少幼傳其父有綸之學有文名中康熙甲辰進士授江西崇義知縣甲寅賊犯崇義孤城無援嵩募義勇身先士卒登陴固守擒賊七十餘人城得不陷境內以安以勞瘁卒於官

張問達字天民明末爲諸生值史可法守揚州高傑以



鎮將欲屯兵城內問達詣軍門力陳不可且日封疆至重公不可以畀賊可法怒其阻撓逮至瓜洲將按以軍法有龔克初者從旁大呼曰此壯士不可殺可法遂召入論時事改容謝之康熙五年舉順天鄉試適科臣奏撤揚州兩東門城垣部議問揚人問達執不可乃止尋署休甯教諭遷知趙城縣多善政罷歸以講學終老於地方有當興革者侃侃正論當事多韙之念克初義春秋必爲位以祀焉年八十二無疾卒所著有易辨疑左傳分國紀事宋名臣言行錄節要河道末議諸書

汪楫字舟次先世休甯人遷江都補儀徵諸生文譽藉

江都縣志

卷之二十

亮績

五

甚初官贛榆教諭康熙己未薦舉博學鴻詞授翰林院檢討與修明史旋充冊封琉球正使條使事七條以行既至宣示

天朝威德爲其國撰孔子廟碑默識尚氏世次撰中山沿革志上之以才畧出知河南府置學田於嵩陽書院聘詹事耿介主之陞福建按察使晉布政使治績尤著內擢京卿途次得疾卒於家祀儀徵鄉賢所著有悔齋詩聞正續集觀海集

劉長發字永存其先河津人遷江都登康熙丁未進士由中書厯虞衡司主事議免閩粵仙霞解炮之役兩省

均受其賜甲子典試廣東能釐正文體號稱得人長發宅心仁厚動合規矩鄉里尤賢之

程濬字洵遠祀鄉賢銓子也康熙丙辰科成進士初爲中書後官禮部時負容臺重望癸未分校文武會闈所取士皆一時名俊出知大名府有私鑄者十餘人皆坐辟濬請於臺省僅罪其魁以天雄爲鎖鑰重地軍民雜處爲政寬嚴並濟賴以戢安四載去官百姓建祠祀之子蓮以孝友謙謹著父歿未葬寢處殯所不入內室者數年遭母喪年七十矣哀毀骨立號慕如孺子聞者爲之感泣生平尤多義行嘗葬故人家九棺又嘗爲某姓江都縣志

卷之二十

亮績

三

繼絕並力保其家事皆艷稱鄉里間

梁浩之字輿若先世三原人徙揚州康熙丙午與弟湘之同舉於鄉初授虹縣教諭能正士習振文風遷金鄉令均兩河夫役盡力溝洫民感受其賜卽名其所浚治者爲梁公河攝鉅野單父所至皆有政聲單之前令卒於官爲代完公私逋負並伙其妻孥以喪歸敦篤寮友之義有不媿於隨士會者行取以御史用未補而卒孫觀我雍正庚戌進士任息縣知縣

戴夢麟字占弼山東籍世居江都祖時選父廷徽爲令皆有惠政夢麟舉康熙丁巳鄉科筮仕大理評事考選

監察御史巡城以廉察著聲嘗條奏刑部不得行外省  
提犯以免震擾又請飭有司於聽獄時必當堂宣讀供  
詞使案犯質成以杜招胥舞弊俱准編爲例乙酉監試  
北闈請多置空白印卷以備違誤者及時換謄後遂垂  
爲定制鄉會試士咸德之戊子典試福建藻鑑公明卽  
未售者亦稱頌不絕於口比歸沿途具巾服送者踵接  
人稱異焉累官至奉天府尹卒子思訥康熙丙戌進士  
翰林編修思訥癸卯舉人思訥子汝槐乾隆元年山東  
解元汝棻雍正庚戌進士

李清仁字芳崖父品奇稱老宿清仁承其家學中康熙

江都縣志

卷之二十 亮績

三

壬戌進士授齊河令敏幹精吏治事皆手裁剖決如流  
水邑有奉官歲馬歲炭之例悉裁革之民感其惠時西  
征軍需旁午清仁善所區畫閭閻得以無擾暇日進諸  
生課文藝士風亦爲之丕振焉卓薦內陞歷戶部郎中  
議馬例頂捐滋弊朝論譴之屢分校文武鄉會所得士  
多位至通顯者以勞勩卒於官子宏業任考城縣知縣  
亦以治行著

高克暮字述三父以佑鄉里稱篤行君子克暮登康熙  
丁卯賢書授蒙陰令邑素衝瘠又游饑克暮力請蠲賑  
緩征所以撫綏之者備至出俸錢築隄障水民受其賜

名之曰高公堤署昌樂萊蕪調日照所至皆有惠績超擢漢陽府知府歲疫爲設藥廠療民江水漲安集其生者而撈浮屍棺葬之克暮方單心於治會有屬其徵賄鹽埠者卽艱然以病告定例凡外吏在告者不再補

特旨

高克暮居官謹慎病痊日仍原官補用蓋異數也歸休後食貧猶儒素未嘗干預公府鄉人稱之

朱潘字東溪康熙庚辰進士初授陝西雒南縣以廉幹調安塞明敏慈惠士民敬愛之豪猾望風屏息不敢逞其奸丁內艱服闋補四川彭水令上官之擁重權者其同年也素重潘欲引爲已助潘見其恣橫多軼於法不

江都縣志

卷之二十

亮績

三

肯附撻怒幾莫保困阨之者五年及其旣敗乃遷刑部主事轉員外郎管現審司持法明允擢山東督糧道又以不狗上官之虐毀其不諳糧務改湖北武漢黃叅議而剛介復不爲上官所容潘慨仕路之嶮巇遂於

引見時自以老病乞休未幾卒貧至不能返櫬楚人士賄賻而泣送之潘無子生時以再從姪爲已後士大夫嘆其風規峻尚厄於天人者有非理之所可解也

劉豐穀字綏萬居鄉恂恂稱君子由歲薦授懷甯訓導不責弟子之修贄而殷於教育之人感其誠無不欣然率化者其卒也貧窶不能具殮郡守爲經紀其喪懷士

祀之於社列安慶府志名宦中

方覲字近雯初膺 召試 用書房纂修康熙己丑成進士官翰林視學四川葺文翁講堂爲書院令多士肄業其中月給薪米及紙墨費遠近之就學者雲集文教爲之大興雍正二年改御史轉戶科給事中巡視船廠條陳事宜十一款皆切時務悉如其奏報可使竣差督通倉屏羸羨剔錮弊以廉幹著聲

世宗嘗語輔臣可任督撫者十人覲名在其五遷浙江按察使署布政兼總理兩浙鹽法在任能矢公貞度

上意益嚮用之未幾晉西安布政使以病聞

江都縣志

卷之二十 亮績

三

特賜人葭遣院醫馳驛調視覲雖疾劇過里不敢淹於家行次六合縣卒旅舍奉

旨加太常寺正卿給帑金五百兩治喪仍

製文遣官致祭長子夢駟庚子舉人嘗

召對蒙

溫旨次子夢騏服闋後選雲南省通判

世宗於引見時知爲覲子語輔臣曰方覲好官朕不忍使其弱子赴萬里也留另補遂授江西建昌府同知夢騏勤於職業乾隆五年以卓異陞陝西漢中府知府夢駟另有傳

方願瑛字實村博學工詩文屢試舉場不偶慨然欲以功名自見初授懷慶府造士勤民清操嶽立決疑獄如神明兩河以白面包待制目之時豫省議以軍需稅畝願瑛獨持上檄不下民賴以安河南之亢珽緣此鼓亂朝廷命重臣出按之使者知願瑛有幹濟才調兼攝河南府事拊循瘡痍殲亢珽於新安山谷中釋被脅之纍繫者數百人德功並著適開封之蘭陽叛案繼作委司錄讞所全活株連者亦數百人又嘗監造會城滿兵營房經畫有方市肆無擾工畢以所節省之費歸諸公康熙五十九年卓異陞贛南道去之日懷之軍民泣送者數十江都縣志

卷之二十

亮績

三

里爲立祠肖像祀之莅贛甫三月政教大行以母憂去位雍正二年補廣東會潮道值歲大祲隣郡皆荒民無所得食願瑛出奇計發巨舟航海抵廈門購粟以濟悉心調委日飽數十萬口聞風就食者俱得免轉死溝壑焉署布政司權稅海關清節傳外洋晉按察使風操益著忌者中傷之誣陷擬重辟羈獄八年坦懷任運唯日手一編而已乾隆初

特旨引見簡任雲南省候補一署驛鹽兩署迤西奉公潔已不改素風以勞瘁卒於官願瑛歷宦數十年有猷有守蓋巋然爲清流領袖云